

Small cargo service between Bonaire and Curacao.

Tambe posibilidat di charter pa e isla aki

CRYSTAL KU SERVISIO EKSKLUSIVO DI KARGA LÒS PA KÒRSOU

KRALENDIJK – E kompania lokal Bonaire Crystal Tours & Services di Johnson i Rachel Hart a kuminsá ku un serviso eksklusivo pa transporte di karga lòs òf karga chikitu entre Boneiru i Kòrsou viseversa. Djaweps último e promé biahe transportando karga lòs a tuma lugá. Especialmente garashinan lokal por hasi uso di e serviso aki pa trese pisanan di outo ku urgensia for di Kòrsou. Otro komersiantenan tambe por probechá di e serviso aki lògikamente.

Bonaire Crystal Tours & Services ta aktivo pa algun luna kaba ku un kantidat di serviso. Entre otro e kompania aki su búsnan ta riba kaya

transportando turistanan ku ta bini ku barku, miéntras ku nan ta desaroyando diferente tour pa lugánan eksklusivo den naturalesa boneriano.

Banda di ofresé serviso riba tera, Crystal Tours & Services ta den posishon tambe pa ofresé serviso marítimo. Pa hasi esaki nan a atkiri un yate batisá ku e nòmber Crystal, ku kua ta realisá tournan den bahia di Kralendijk, pa Klein Bonaire, den futuro tambe pa otro destinashonnan, manera Klein Kòrsou i Chichiriviche na Venezuela. Aínda mester kaba regla trámitenan ofisial pa e dos último destinashonnan aki.

Pa Kòrsou sinembargo ya kaba ta posibel pa charter Crys-

tal i su tripulashon pa biahenan den wikènt por ehèmpel. Ya tin hende ku a hasi esaki i nan a probechá hasi kompra por ehèmpel na Kòrsou, biniendo ku peso ilimitá. Por bai ku gruponan di entre 17 pa 20 persona.

Un serviso nobo ta kaminda por transportá karga lòs entre Boneiru i Kòrsou. Ta trata aki di un serviso eksklusivo, den sentido ku ta paga algu mas ku e tarifanan normal pa transporte di karga ku barku, pero e tarifa ta keda hopi bou di e preis ku ta kobra pa transporte aéreo. Tin hopi bentaha, entre otro ku e transporte ta sosodé rápido.

Djaweps último Crystal a

realisá su promé biahe ku karga lòs. A bai ku karga di Boneiru pa Kòrsou pa un kompania ku ta bende artikulonan di sambuyamentu por mayor. Asina lo tin posibilidat tambe pa bini ku karga lòs for di Kòrsou.

A duna e promé biahe aki di Crystal pa Kòrsou den su mishon pa transportá karga un

toke festivo. Funshonarionan di e agensia tabata na tera pa risibí Crystal, miéntras ku despues e hefe di Duana Martijn tambe a akudí pa brinda riba e echo aki huntu ku e doño i tripulantenan di Crystal.

Pa mas informashon tokante e serviso aki por yama Crystal Tours & Services na telefonan 7172970 òf 7962002



Brindis pa selebrá e promé biahe di Crystal ku karga lòs.



Johnson Hart a entregá sra. Linda Carrasquero di Agensia Mar-Ivo dos regalu típiko di Boneiru. Esaki ta e agensia di Crystal na Kòrsou.

Press release in Extra 19-11-2011

Agencia Bonaire:

Fielmich & Sons

Bulevar Julio A. Abraham #51

Kralendijk

Bonaire

Kontakt: Bart Fielmich

tel: (599)717 6161 of (599)788 6351

Agencia Curaçao:

Agencia Mar-Ivo

Van der Brandhofstraat Z/N

Willemstad

Curaçao

Kontakt: Linda Carrasquero

tel: (5999)461 3758 of (5999)560 1487